



SAVEZ KLIZAČKIH SPORTOVA
BOSNE I HERCEGOVINE

PRAVILA PONAŠANJA I ETIČKI KODEKS

za službena lica (Referee, Sudija, Tehnički
specijalist, Data/Replay operator)

1. SVRHA OVOG PRAVILNIKA

Sljedeći pravilnik napravljen je kako bi se definirala uloga dužnosnika u SKSBIH, načela za koja se zalažu, način na koji obavljaju svoje funkcije unutar SKSBIH, te njihovo ponašanje.

Generalno, ovaj pravilnik određuju standardi ponašanja u tri primarna područja i to:

- a) Tehnička (stručna) kompetencija
- b) Odanost SKSBIH
- c) Vjernost misiji SKSBIH

Da bi neko bio promoviran kao Službeno lice SKSBIH, od njega se traži da pismeno potvrdi da je primio kopiju ovog dokumenta i da su on li ona saglasni da će biti obavezani raditi i ponašati se u skladu sa njim.

2. IZJAVA - SLUŽBENA LICA

Sudije, Referee-i, Tehnički specijalisti, Data/Replay operateri su službeni predstavnici SKSBIH i u svakom trenutku će se ponašati u skladu sa ovlaštenjima koja su im dodijeljena. Također će biti odgovorni i starati se da ISU pravila kao i Statut SKSBIH i njegovi pravilnici budu poštovani u svakoj situaciji u kojoj oni budu prisutni.

3. UVOD

Misija SKSBIH može biti uspješno izvršena samo ako svi sudionici uključeni u klizački sport (uključujući klizače, roditelje, trenere, službena lica i uprave klubova) dijele zajedničku viziju i razumiju svoju ulogu u stvaranju sredine za uspješan razvoj klizačkog sporta. Obaveza uspostavljanja i pridržavanja odgovarajućeg etičkog kodeksa u svrhu ostvarenja ciljeva i misije Saveza mora biti prihvaćena od strane onih koji vode naš sport, kako u Savezu tako i u klubovima, na takmičarskom nivou kao i u školama klizanja. Ti ljudi su članovi upravnih odbora, treneri i službena lica.

4. ETIČKO PONAŠANJE

Da bi razumjeli temeljna načela etičkog ponašanja, korisno je razmotriti značenje riječi „etičko“ :

- odnosi se na moralno i moralne principe
- filozofija koja određuje ljudski karakter i ponašanje tj. razlikovanje između ispravnog i pogrešnog u odnosu na moralne dužnosti i obaveze prema zajednici.

5. ETIČKO PONAŠANJE ZA SLUŽBENA LICA-OBAVEZE PREMA TRENERIMA I KLIZAČIMA

- 5.1 Da održavaju tehničko znanje o klizanju kako bi mogli korektno obavljati svoj posao.
- 5.2 Da budu objektivni u suđenju i da svoje odluke donose bez predrasuda, bez uticaja publike ili reputacije klizača i njegovih proteklih rezultata.
- 5.3 Kada sude da to rade nezavisno i bez diskusije sa ostalim osobama, osim sa Referee-jem za taj događaj
- 5.4 Da dijele svoje tehničko znanje, kao i iskustva u klizanju sa klizačima, roditeljima, trenerima i drugim službenim licima, a u cilju razvoja sporta.
- 5.5 Dužni su iskazati sukob interesa u slučajevima kada do toga dolazi i suzdržati se od obavljanja funkcije kada postoji percepcija sukoba interesa.
- 5.6 Biti uvijek svjesni uticaja svojih odluka na klizače, trenere, i druge službene osobe i nikada zloupotrijebiti povjerenje koje imaju.

6. ETIČKO PONAŠANJE ZA SLUŽBENA LICA-OBAVEZE PREMA SAVEZU, KLUBU ILI ŠKOLI KLIZANJA

- 6.1 Održavati dobar odnos sa SKSBIH
- 6.2 Promovisati SKSBIH, njegovu misiju i programe te klizački sport uopšte. U predavljanju SKSBIH raditi na odgovoran i iskren način kako bi se osiguralo da su poruke u skladu sa misijom Saveza i u skladu sa svim pravilima.
- 6.3 Suzdržati se od javne kritike Saveza i njegovih članova i osoblja, a umjesto toga koristiti prikladne kanale interne komunikacije i protokole koje uspostavlja SKSBIH
- 6.4 Biti upoznat i pridržavati se standarda službenog postupanja
- 6.5 Zadržati kompetentnost kontinuiranim praćenjem i nadogradnjom znanja u odnosu na promjene pravila.
- 6.6 Odazivati se organizaciji takmičenja čiji je organizator SKSBIH
- 6.7 Dijeliti saznanja i odgovornost sa kolegama Službenim licima, trenerima i predstavnicima klubova da bi inicirali i podržali akcije koje su potrebne da bi se zadovoljile potrebe klizača, klubova i sporta uopšte.
- 6.8 Odmah nakon primjećivanja kršenja pravila od strane sudije, Referee-ja, Tehničkog specijaliste, Data operatera, načiniti pisani izvještaj zavisno od situacije, kako slijedi:
 - A. Vezano za situaciju u okviru takmičenja – Referee-ju takmičenja
 - B. Vezano za incident na takmičenju – Referee-ju koji će o tome obavijestiti Sudijsku komisiju SKSBIH, ako on misli da za to postoji potreba
 - C. U slučaju da do kršenja pravila dolazi van takmičenja – Izvijestiti Sudijsku komisiju SKSBIH



7. ETIČKO PONAŠANJE ZA SLUŽBENA LICA-OBAVEZE PREMA DRUGIM SLUŽBENIM LICIMA(KOLEGAMA)

- 7.1 Dijeliti tehnička saznanja i iskustva sa kolegama koji se razvijaju kao Službena lica SKSBIH
- 7.2 Suditi samostalno i suzdržati se od dijeljenja ocjene , osim sa Referee-jem, do završetka takmičenja. Na RTD prezentovati svoju procjenu na nepristrasan i tehnički prihvatljiv način, poštujući odluke svojih kolega.
- 7.3 Izbjeći kritiziranje rada i odluka drugih kolega Službenih lica bez njihovog znanja prisustva i dozvole
- 7.4 Pridržavati se prethodno objašnjenih načina izvještavanja (6.8)

8. ŽALBENI POSTUPAK

Sve pritužbe koje proizilaze iz primjene ovog pravilnika obrađuju se u skladu sa Disciplinskim pravilnikom SKSBIH.